



МЕСЯЦА ЯНВАРЯ В 30-Й ДЕНЬ

**Иже во святых отцев наших и великих иерархов
Василия Великого, Григория Богослова
и Иоанна Златоустаго
И святого священномученика Иполита,
Папы Римского
Восследование его поется на повечерии.**

НА МАЛОЙ ВЕЧЕРНИ

Стихиры на 4, глас 4.

Подобен: Яко добля:

На высоту, Василие, / Христова любви воз-
шед, / узрел еси неизреченныя Его / и
Божественныя тайны, / яже открыв, изъяс-
нил еси людем, / яко благочестия проповед-
ник мудрый. / Темже моли от тли и бед избавитися /
верно возследующим / твоим учением, преподобне.

Связания разрешил еси ересей, преподобне, /
мудростию словес и учений твоих / и во единомыс-
лие собрал еси / православныя веры / в благоразу-
мий Христа хвалящая, Григорие. / Егоже моли / от
тли и бед избавитися / верно приемлющим твои
Боговещанная учения.

Неразоримо ты основание / Христос утверди /
Своей Церкви, отче преподобне, / соблюдающая
сию непозыблему и необориму вражьиими прило-
ги, / Богоглаголиве Златоусте, / и молящаяся от
страстей душетленных избавитися / жаждущим
твоих словес и пучины разумений.

**Троицы избрание, / нетленного же зланика
цвети мировонни / и zelo краснейшии, / мыслен-
наго же яко суще солнца лучи, / просвещающия
землю / своими Божественными осияни, / да вос-
хвалим Иоанна великаго / с Божественным Бого-
словом Григорием / и высокоумнаго Василия.**

Слава, глас 6:

**Человецы Божии и вернии раби, / служителие
Господни, мужие желаний, / сосуди избранныи,
столпи и утверждения Церкви, / Царствия наслед-
ницы, / не премолчите еже вопити о нас ко
Господу.**

И ныне: Богородице, Ты еси лоза:

На стиховне стихиры, глас 6.

Подобен: Тридневен:

**Благодать превозможе, / вера преукрепися, / ис-
полнишася вся разума Божия / апостолов и учите-
лей ради, / и спасением обогатихомся.**

**Стих: Восхвалятся преподобнии во славе / и
возрадуются на ложах своих.**

**Небесных таинств / и человеческих учений, /
благодатей стечение всеразличных со исправ-
леньми, / побеждающими всяко еретическое сло-
во, / три святые Твоя удивил еси, Господи.**

**Стих: Священницы Твоя облечутся в правду, / и
преподобнии Твоя возрадуются.**

**Василий, Божественный ум, / Григорий, Божэ-
ственный глас, / Иоанн, всекрасный светильник, /
трие высочайшии угодницы Троицы и служй-
телие / да прославятся.**

Слава, глас 6:

**Добрии раби, блазии и вернии, / блазии делате-
лие винограда Христова, / иже и тяготу дневную
понесшии, / и данный вам талант возрастившии, /
и по вас пришедшим незавидевшии, / темже и
врата вам Небесная отверзюшася. / Вшедше убо в
радость Владыки Христа, / молитесь о нас, святии
учителие.**

**И ныне, Богородичен: Никтоже, притекаяй к
Тебе:**

Тропáрь, глас 4: Яко апóстолов единонрáвнии: Пíсан на велицей вечérни.

Слáва, и ны́не, Богорóдичен.

НА ВЕЛИЦЕЙ ВЕЧÉРНИ

Блажén муж: 1-й антифóн. На Гóсподи, воззва́х: стихíры на 8, глас 4.

Подóбен: Яко дóбля:

**Благодáти оргáны, / гúсли Дúха, / благознаменí-
тыя трúбы проповéдания, / стра́шныя и достослý-
шанныя, / с высоты́ шумя́щия грóмы / и слáву
Бóжию сказúющия концéм / три проповéдники
вели́кия Трóицы, / Иоáнна и Васíлия / достóйно с
Григóрием прослáвим.**

**Трóицы побóрницы, / благочéстия забрáла, / йже
по дванáдесятих триé апóстоли, / из Едéма точá-
щия вóду живу́щую рéки / и лицé земл́и животóч-
ными напáяющия / Божéственными струя́ми, / ве-
ли́кия стихíи, / véру, я́коже тварь, составльшия, /
досто́дóжно да почтúтся.**

**Не суть рéчи, глаго́лет, / ниже́ словеса́ глаго́ле-
ма, / йхже не слýшатся глáси их: / во всю зéмлю бо
и мóре / вещáние протечé / Божéственных и мúд-
рых учíteлей твáри. / Отонúдуже изрýднейшия /
тех Божéственными закóны содержáтся и
собира́ются / во едíно Православие концы́.**

**Оргáны Дúха Свята́го, / йстинныя трубы́, / рíто-
ры Сло́ва / восхва́лим пéсненными глáсы, / догма́-
том их возслéдующии, / моля́щеся им, / я́ко дерзно-
вение имúщим ко Гóсподу, / даровáти мир крéпкий
ýбо прíсно вселénней, / нам же всем прощéние.**

Йны стихíры, глас 2.

Подóбен: Кíими:

**Кíими похва́льными венцы́ венча́ем учíteли, /
разделéнные телесы́ и совоку́пленные дúхом? /
Богонóсныя предстáтели Трóицы Единочýслен-
ныя и служíteли, / светíла, вселénную просвещá-
ющая, / церкóвныя столпы́, / я́же венцы́ слáвы, я́ко
победíвшия, / венча́ет Христóс Бог наш, / имéяй
вéлию мýлость.**

**Кíими пéсненными добрóтами / венча́ем Бого-
нóсныя Небéсныя тайнники и проповéдники? /**

Православия сущия зело изряднейшия Богослѡвы: / Великаго священноявлѣннаго Васілія, / Божественнаго Богоглаголиваго Григорія / и Иоанна, зело златаго язЫком, / яже прослави Трѡица достѡйно, Господь, / имѣяй велию мѡлость.

Кѡими похвѣльными глаголы похвѣлим святѣтели, / равноапѡстольныя благодѣтию / и единачѣстныя дарованьми? / Нечѣстия разорѣтели, / спасѣтели и наставники слѡвом и дѣлом, / пѣстыри Христоподобныя вѣрою, / земныя Ангелы, Небѣсныя человеки, / яже почествова Христѡс славы Господь, / имѣяй велию мѡлость.

Кѡими похвѣльными венцы венчаем Златослѡва, / вкупе с Васіліем Григорія? / Честная прѣятелища Дѡха, / твѣрдыя вѣры побѡрники, / столпы Церковныя, вѣрных утверждение, / всех согрешающих утешение, / истѡчники, точащия воду, / от неяже почерпающе, услаждаемся душами, / просяще прощѣния прегрешѣний / и вѣлія мѡлости.

Слава, глас 6:

Тайныя днесь Дѡха трубы, / Богоносныя отцы да восхвалим, / воспѣвшия посреде Церкве песнь слѣчную Богослѡвия, / Трѡицу Едину непрѣменную, / Существо же и Божество, / низложѣтели Ариевы и православных побѡрники, / молящияся всегда Господу / помѡловатися душам нашим.

И ныне, Богородичен: Ктѡ Тебѣ не ублажит:

Вход. Прокѡмен дне. И чтѣния.

Вторѡго закона чтѣние (глава 1):

Во днѣх ѡнѣх / рече Моисей к сынѡм Израилевым: / видите, предах пред лицѣм вашим зѣмлю, / вшедше, наслѣдуйте ю, юже клѣтся Господь отцѣм вашим, / Аврааму, и Исааку, и Иакову, дѣти им и семени их по них. / И рекох к вам во время ѡно, глаголя: / не возмогу един водѣти вас. / Господь Бог ваш умножил вы есть, / и се естѣ днесь, яко звѣзды небѣсныя, множеством. / Господь Бог отец наших да приложѣт вам, яко да будете тысящами сугубо, / и да благословѣт вас, якоже глагола вам. / И взят от вас мѡжи мѡдры, и худѡжны, и смѣсленны, / и поставих их владѣти над вами, / тысящена-

чальники, и стоначальники, / и пятидесятоначальники, и десятиначальники, / и писмовводители судиям вашим, / и заповедах судиям вашим во время оно, глаголя: / разслушайте посреде братьий ваших / и судите праведно, посреде мужа, / и посреде брата его, и посреде пришельца его. / Да не познаете лица в суде, / малому и великому судиши, / и не устыдишися лица человеческого, / яко суд Божий есть.

Второго закона чтение (глава 10):

Во днех оных / рече Моисей к сыном Израилевым: / се Господа Бога твоего небо / и Небо небесе, земля и вся, елика суть на ней. / Обаче отцы ваши произволи Господь любить их / и избра семя их по них, вас, паче всех язык, в день сей. / И обрежете жестосердие ваше, / и вья ваша не ожесточите ктому. / Ибо Господь Бог ваш, / Сей Бог богов и Господь господей, / Бог великий, и крепкий, и страшный, / Иже не дивится лицу, ниже вземлет дар. / Творяй суд пришельцу, и сиру, и вдовице / и любит пришельца, дати ему хлеб и ризу. / И возлюбите пришельца, / пришельцы бо бесте в земли Египетстей. / Господа Бога твоего да убоишися, и Тому Единому послужиши, / и к Нему прилепишися, и Именем Его кленешися. / Той хвала твоя, и Той Бог твой, / Иже сотворил ти есть великая и славная сия, / яже видесте очи твои.

Премудрости Соломони чтение (глава 3):

Праведных души в руке Божией, и не прикаснется их мука. / Непщевани быша во очесех безумных умрети, / и вменися озлобление исход их, / и еже от нас шествие — сокрушение, / они же суть в мире. / Ибо пред лицом человеческим аще и муку примут, / упование их безсмертия исполнено. / И в мале наказани бывше, великими благодетельствовани будут, / яко Бог искусил я и обрете их достойны Себе. / Яко злато в горниле, искусил их / и, яко всеплодие жертвенное, прият я. / И во время посещения их возсияют / и, яко искры по стоблию, потекут. / Судят языком и обладают людьми, / и воцарятся Господь в них во веки. / Надлежащиеся

Нань разумѣют ѳистину / и вѣрнии в любви пребудут Емѹ. / Яко благодать и мѣлость в преподобных Егѹ / и посещение во избранных Егѹ.

На литіи стихіры, глас 2. Нѣла Ксанфоула:

Приидіте, Небесныя Трѹицы служителие, / земную трѹицу святых иерархов да восхвалим: / Васілія, царствія тезоименнаго, / Григорія, Богословіи наименовнаго, / и Иоанна, воистинну благодатноименовнаго, / глубины мудрости Дѹха испытавших, / струи океановы, истѹчники пренотекущая, / воду живу скачущую, / прозарныя бисеры, земная светила, / Церковная кормила, светлоплодовая древеся, / строители благодати, / Христа моего уста / и Трѹицы поборницы, / от Нея несредственно осияваемыя / и молящияся непрестанно о душах наших.

Возжженная углия от Нестерпимаго Огня, / иже теми просветившеся, / верно да восхвалим: / ти бо, еже к Немѹ соединением разжегшеся, / светильницы мира бѣша, / животная нищим показавшеся сила, / Отца, и Сына, и Святаго Дѹха / благочестно яве проповѣдаша. / Имже и мы да прирцем: / радуйся, Трѹицы трѹице Богомудрая.

Глас 6:

Трѹице Святая и поклоняемая, / слава мудрому промыслению Твоемѹ, / яко три великия светильники человеком от человек даровала еси, / светом просвѣщающія Твоего познания / и зарю осияющія спасительных Твоих и честных хотений, / имиже вселенная, светом разума обогащающися, / Твоею славою осияваема есть / и к блаженному Твоемѹ Царствию тѣится. / Тех нас Божественных послушати увѣщающіе учений, / и Сама, Трѹице Святая, / молитв тех, яже о нас, услыши, / яко Бог Всещедрый, / и души наша спаси, Человеколюбче.

Слава, глас 6:

Святители Христовы и отцев славу, / столпы веры и верных учителя и хранители, / сошедшеся, о празднлюбцы, / песненными похвалами воспойм, глаголюще: / радуйся, Церковное светило, / Васіліе премудре, и столпе непревратный; / ра-

дуйся, уме Небесный, / архиерею превеличайший,
 Богослове Григории; / радуйся, о Златослове,
 всезлатый Иоанне, / покаяния ясный проповедни-
 че. / Но, о отцы пребогати! / Не престаите
 присно молиться Христу / о верою и любовью
 совершающих / ваше всесвященное и Божествен-
 ное торжество.

И ныне, Богородичен, глас тойже:

Девственную доброту, и умное веселие, / едину
 Богородицу, / и верных твердую ограду, / сошедше-
 ся, о празднлюбцы, / песненными похвалами
 воспойм, глаголюще: / радуйся, Мати Дево Чи-
 стая, / светильниче светозарный и дверь Небес-
 ная; / радуйся, скиние священства, / Бога вмещающая
 во утробе Твоей, Всечистая; / радуйся, всех Небес-
 ных чинов превышшая без разсуждения. / Темже,
 Мати безмужная, Владычице, / не престаи храня-
 щии рабы Твоя, / верою и любовью воспевающая Тя
 присно / и Рождеству Твоему поклоняющихся
 безсеменному.

На стиховне стихиры, глас 1.

Подобен: Всехвальнии мученицы:

Тайнники духовныя вкупе, / словесныя трубы
 Божия, / Божественная зерцала / восхвалим днесь
 достойно, / Великаго Василия, / Божественнаго и
 огнедохновеннаго Григория, / точащаго злато-
 струйная учения нам / Иоанна, истинно Злато-
 устаго.

Стих: Восхвалятся преподобнии во славе / и
 возрадуются на ложах своих.

Степень веры, / ум Божественный и бодрый, /
 река златоструйная, / всесветлейшии и честнии
 светильницы, / Троицы поборницы, / приятелища
 благодатей Духа, / столпы непоколебленнии, /
 Церкви утверждения / достойно песнями да вос-
 хвалим.

Стих: Священницы Твоя облечутся в правду, / и
 преподобнии Твоя возрадуются.

Духа органы, / грома Божественнаго трубы, /
 молнии проповедания, / свещницы всесветлии, /
 златии и светоносии о Бозе, / треблаженне Васи-

лие, / Григоріе всемудре, / всезлате и всечестне
Иоанне, / чествующія вас спасти Христа молите.

Слава, глас 2:

Днесь души земнородных возносятся от зем-
ных, / днесь Небесныя бывають в памяти святых, /
ибо врата Небесная вземлются, / и нам Владычня
сказуема бывають, / Слова словеса проповедуют, / и
языки чудеса поют. / Мы же ко Спасу возопием: /
слава Тебе, Христэ Боже, / верным бо мир теми
бысть.

И ныне, праздника:

Днесь Христос во святѣлице приносится яко
Младенец, / днесь под законом бываает, / Иже
Моисею закон давыи. / Ангельская удивѣшася
воинства / на руку старческу Держиму, / Иже
всяческая Содержащаго зряще. / Симеон говения
исполнен быв / и радостне вопияше: / ныне отпу-
сти мя, Спасе, от привременнаго живота / к
нестареющемуся покою: / видех бо Тя и вознесе-
лихся.

На благословении хлебов тропарь, глас 4:

Яко апостолов единоправнии / и вселенныя
учителие, / Владыку всех молите / мир вселен-
ней даровати / и душам нашим велию милость.

Дважды.

И Богородице Дѣво, радуйся: единожды.



НА ПОВЕЧЕРИИ

Поётся возследование
священномученика Ипполита
Канон, глас 4. Иоанна монаха.

Песнь 1

Ирмос: Колесницы фараоновы / и силу его
вверже в море Крепкий во бранех. / Воспоём песнь
новую, яко прославися.

Грядите, мученическими воспоём песнями свя-
щенномученика, / Богозарною зряще благодатию
светло просиявша, / Христа славяще всегда.

Ты за стадо словесное, от Христа врученное, /
Сего подражая, в беде сущия изрядне, отче, душу
положил еси / и сугубым венцем украсился еси.

Священным от повеления Божия радования
помазався елеем мученическим, Ипполите, / назна-
менался еси кровию.

Богородичен: Неопальну Моисей в горе Синай-
стей купину зряше, / Тя прописавшую, Дево, /
зарю неопальшуся Божественного огня, ибо Бога
родила еси.

Песнь 3

Ирмос: Лук сильных изнеможе, / и немощствующи
препоясашася силою, / сего ради утвердися
в Господе сердце мое.

Агнцы словесныя упасл еси / и, якоже агня овец,
предпожёрлся еси, / всех Первопастыря и Божия
Агнца подражая.

Млеком словесным, Ипполите, пасомыя Бого-
дохновенно напоил еси, / Христова же свидетель-
ства, радуясь, испил еси чашу.

Соборы страдальцев водаяй, / за благочестие
приял еси мучение, / единого слава Бога Отца с
Сыном и Божественным Духом.

Богородичен: Радуйся, Мати Неискусобрач-
ная, / яже Бога Слова во утробе Твоей вме-
стившая / и рождающая Воплощенного, яко Бога
купно и Человека.

Песнь 4

Ирмос: Твоего на земли явления, Христе Боже, /
проповедавая пророк пришествие, с веселием вопи-
яше: / слава силе Твоей, Господи.

Добродетелей твоих яко многоплетенная Божес-
ственная пленица, / яко пастырь бо и свидетель,
Ипполите, / от Бога почествовался еси, zelo о Нем
веселяся.

Приношение Авелево превозшел еси, / словес-
ныя бо агнцы привел еси Богу, / и твоею кровию,
радуясь, Владыце предстал еси.

Еретичествоующих паки глагольное зломыслие
Духом победив, блаженне, / священномученик из-
ряден любовью Владыки был еси.

Богородичен: Яко видеша Ангели, Дево Чистая, /
от утробы Твоей произшедшаго Сына Божия, с

веселием глаголаху:/ слава Рождеству Твоему,
Владычице.

Песнь 5

Ирмос: Ты, Господи, мой Свет,/ в мир пришел
еси,/ Свет Святыи, обращаи из мрачна
неведения/ верою воспевающа Тя.

Ты мученик истинен священником был еси и
мучеником святитель/ и сугубыми блистаеши
дарованьи, Исполите.

Камене убо златозарное и лепотное, Исполите,
/ зарю же твоего священноначальства украси-
ся твоё страдание.

Басни еллинския благочестно ты изобличил еси,
о изрядне в мученицех!/ и пребеззаконную лествь
евреев Божественною благодатию.

Богородичен: Ты оружие непобедимое на враги
предлагаем,/ Тя, упование и надежду нашего
спасения, Богоневесто, стяжачом.

Песнь 6

Ирмос: Пожру Ти со гласом хваления, Господи,
Церковь вопиет Ти,/ от бесовския крове очищ-
шися/ ради милости от ребр Твоих истекшею
кровию.

Пожерл еси Спасу жертву хваления в Церкви
преподобных,/ яко Богу ходатай же и человеком,/ и
усердно душу твою привел еси кровию.

Приял еси дарований множество Духом, свя-
щенномучениче, от Бога/ во отвержении Божес-
твенных устен твоих/ и приводиши, благодарно
тебе умерщвляя.

Яко Божественно страдальцев Твоих, Христэ,
собрание,/ о надежди лежащих, яко настоящими
уже питающесе,/ и сладчае жизни вменяющим
смерть.

Богородичен: О, чудо, всех чудес новейшее!/ Яко
Дева, во утробе всяческая Содержащаго
неискусомужно зачещи, не тесновмести.

Седален, глас 1.

Подобен: Гроб Твой, Спасе:

Светильник присносиянен явился еси миру,/ просвещая
молниями Божественных твоих сло-

вѣс / вѣрных помышлѣнія, святителю Ипполите. / Тѣмже вси священную твою и Божественную пѣмь / днесъ радостно совершаем и вѣрно почитаем.

Песнь 7

Ирмос: Спасый во огни авраамския Твоя отроки / и халдеи убив, / яже правда праведно уловляше, / препетый Господи, / Боже отец наших, благословен еси.

Мученическими светлостью и священническими просвещаяши, священномучениче явленне, / вопиющая Христу в памяти твоей: / препетый Господи, Боже отец наших, благословен еси.

Предвѣдѣющаго издалеча страданіе священнейшее, отче, / мучения зря, предстояща тебе, радуясь, взывал еси: / препетый Господи, Боже отец наших, благословен еси.

Раны претерпев от разжженных любовью мучения, / терпеливо со дерзновением вопияше Ипполит: / препетый Господи, Боже отец наших, благословен еси.

Богородичен: Безсеменно во утробе и престоительно приемшую непременно Божу, / за милосердие к человеку пришедша, / препетый Господи, Боже отец наших, благословен еси.

Песнь 8

Ирмос: Во образе Ангела являшагося в пещи огненной песнословцем / Христа Божу пойте, отроцы, / священницы, благословите, / людие, возносите во вся веки.

Яко мягка и тучна жертва: / добрый бо пастырь, яко овца, приводится Христу, взывая: / священницы, благословите, людие, возносите во вся веки.

Мученическим венцем блистая, Церкви Твоей, Христе, иерарх возсия, / пойте, отроцы, радуясь, взывая, / людие, возносите во вся веки.

По прещенном ответе смертнем Христов страдалец, / радуясь, Ипполит вопияше: / отроцы, Христа благословите, / людие, возносите во вся веки.

Богородичен: Неизглаголанно и безсеменно зачешую / и Родшую радость вселенней, Хри-

ста́ Бóга, / по́йте, о́троцы, священни́цы, благо-
словите́ / и превозносите́ во вся ве́ки.

Песнь 9

Ирмос: Рождество́ Твое́ нетлѣнно явися: / Бог из
боку́ Твоею́ прѳйде, / я́ко плотно́сец явися на
земли́ / и с челове́ки поживе́. / Тя, Богороди́це, тем
всеи велича́ем.

Я́ко всесла́вен священномученик, сугубо́ю уяс-
нил еси́ заре́ю Христову́ Цѣрковь / и веселиши
сердца́ тя пою́щих. / Те́мже ты всеи досто́йно
блажим.

Источни́к источи́в учений, всеблаже́нне, Хри-
сто́ве Цѣркви, / из мученическихъ крове́й пото́ки
рѣчно́ Бóгу приноси́ши, / те́мже ты всеи блажим,
Исполите́.

Научи́л еси́ Еди́ному, Богоглаго́ливе, Бóгу пок-
ланя́тися в Тро́ице, / Зиждите́лю всехъ ви́димыхъ же
тва́рей и неви́димыхъ, / мученическимъ же украси́лся
еси́ венце́м.

Богородичен: Блиста́яй Тебе́ А́нгел предста́ / и
луча́ми де́вства Твоего́ вельми́ просвети́ся, / себе́
сама́го я́ко сво́йственныя забы́ сла́вы, / е́же ра́дуй-
ся, со стра́хом Тебе́ веща́ше.

Стихи́ры, глас 1.

Подобен: Небе́сныхъ чиновъ:

Священства́ благода́ть, о́тче, приѣм, / Божѣ-
ственными́ учении́ просвети́л еси́ вся, / Исполите́
Богому́дре, / и священными́ списа́ньми истолковал
еси́ / проро́ков Божѣственна́я словеса́, / уясня́я намъ
я́же отту́ду быва́ющая.

Испове́дания Бóжественнымъ венце́м украша́-
емъ, / ка́плями твои́х крове́й / священства́ оде́жду
украси́л еси́, / весь све́тел и красѣн предста́л еси́
Царю́ и Влады́це и Творцу́, / всеблаже́нне Испо-
лите́.

Я́ко дерзнове́ние, всеблаже́нне, / ко Спа́су Хри-
сту́ ны́не стяжа́в, / вся, ве́рно ты чту́щая, спаса́й /
от бед, и напа́стей, и лю́тых обстоя́ний, / и от
страсте́й, и паде́ний, и нужд / благоприя́тными
моли́твами твоими́.

Сла́ва, и ны́не, Богоро́дичен:

Жезло́м Твоего́ заступле́ния, Богоро́дице Чи́стая, / зве́рския стра́сти ока́янные ду́ши моея́ отже́ни, / отсю́ду ми́рно к жи́зни мя наста́вляющи, / и свято́му мя ста́ду избра́нных Твои́х овец сопричти́.



НА УТРЕНИ

На Бог Госпо́дь: тропа́рь святы́х, два́жды. Сла́ва, и ны́не, Богоро́дичен.

По 1-й кафи́зме седа́лен, глас 5.

Подобе́н: Собезнача́льное:

Я́ко ца́рское украше́ние Це́ркве, Васи́лия вси восхва́лим, / догма́тов сокро́вище неоскуде́емо, / си́ми бо сам наказа́ нас Трѳи́цу чествова́ти Святу́ю, / соединѳну́бо Суще́ством, разделѳну́ же Ипоста́сьми.

Сла́ва, глас 4.

Подобе́н: Ско́ро предвари́:

Свети́льницы пресвѳтлии Це́ркве Христо́вы, / мир просвети́сте уче́ньми ва́шими, отцы́ Богому́дрии, / изсуши́вшие е́реси всех злосла́вных / и угаси́вшие пламенови́дная ху́льных смущѳния. / Те́мже, я́ко святѳтелие Христо́вы, моли́теся спасти́ся нам.

И ны́не, Богоро́дичен:

Де́во Всепе́тая, Ма́ти Христа́ Бо́га, / Мари́е Богоневѳсто и Неискусобра́чная, / ве́рных предста́тельство, / изба́ви от вся́кия бе́ды и вся́кия ну́жды, Влады́чице Богоро́дице, / ве́рою и любо́вию покрову́ Твоему́ прибега́ющия, / Еди́на Богоневѳстная.

По 2-й кафи́зме седа́лен, глас 3.

Подобе́н: Божѳственные ве́ры:

Сто́лп был еси́ Це́ркве, / бога́тство некра́домое благоче́стия яви́лся еси́, Богосло́ве Григо́рие, / в безстра́стии осия́л еси́ жити́е твоѳе / и Трѳи́ческия изъясни́л еси́ догма́ты. / Оче́ преподѳбне, Христа́ Бо́га моли́ о спасѳнии душ на́ших.

Слава, глас 4.

Подобен: Удивися Иосиф:

Во цветнице писаний, якоже пчелы мудрыя, прилетающе, / вы объясте добре, и от цветов изряднейшая, / и мед всем верным учений ваших представисте вкупе во всенаслаждение их, / и сего ради всяк наслаждаяйся с веселием зовёт: / предстаните паки и по смерти иже вас восхваляющим, блаженнии.

И ныне, Богородичен:

Треволнения страстей бесовственный аз обуреваемъ, Пречистая, / призываю Тя тепле, да не презриши мя, окаяннаго, погибнути, / бездну милости рождающая: / разве бо Тебе, иныя надежды не имам. / Да не убо врагом обрадование и смех, / надеявся на Тя, явлюся, / ибо можеша, елика и хочеша, яко Мати сущи всех Бога.

По полиелен седален, глас 4.

Подобен: Явился еси:

Премудрии учителя вселенныя, / иже Бога прославльши дела и словеса на земли, / да возвеличатся днесь, яко спасения нам суща ходатаи.

Слава:

Празднует днесь Церковь честное торжество учителей триех, / ибо ти утвердиша Церковь Божественными своими догматы.

И ныне, Богородичен:

Предстательнице неборимая оскорбляемых / и теплое заступление уповающих на Тя, / от бед мя избави: / Ты бо еси всех помощница.

Таже степенна, 1-й антифон 4-го гласа. Прокимен, глас 4: Священницы Твой облекутся в правду, / и преподобнии Твой возрадуются. **Стих:** Уста моя возглаголют премудрость, и поучение сердца моего разум. **Всякое дыхание: Евангелие от Иоанна, зачало 36.**

По 50-м псалме стихира, глас 6:

Излияся благодать во устнах ваших, / преподобнии отцы, / и бысте пастырие Христовы Церкви, / учаще словесныя овцы / веровати в Троицу Единосущную / во Едином Божестве.

Канон Богородицы со ирмосом на 6, глас 2, и святых два канона на 8. Иоанна Евхайта.

Песнь 1

Ирмос: *Грядите, людие, поим песнь Христу Богу, / раздѣльшему море и наставльшему люди, яже изведе из рабѣты египетския, / яко прославися.*

Благочестно Тя, Чистую Богородицу, истинно исповѣдающаго, Пречистая, душею и телом, / от лютых бед, и недугов, и прегрешений Ты мя спаси.

Всю в Тебѣ дарований бездну лежащу уведехом, / темже, прибегающе, Богородице, усердно к покрову Твоему Божественному, спасаемся.

О нас, Тя поющих, Пречистая, моли Воплощеннаго из пречистых и честных Твоих кровей, / избавитися от прегрешений и болезней горьких.

Ин канон святых, егоже краегранесие: Трисолнечнаго Свѣта три возвышаю солнца. **Творение тогоже Иоанна.**

Песнь 1. Глас и ирмос тойже.

Кое благодарение, кое противовоздаяние, подобающее нашим, человецы, принесется от нас благодетелем, / имиже ко еже добре быти наставляемся?

Витийстии языцы, и хитрости, и коварства, и вся словес сила / ныне в вину да сподвигнутся единому / и, чествующе взаим, да почтут.

Свойственнаго убо им не терпящу, / дабы что стяжати на земли, Небомудреннии, / хранителие же явися общества и предстателие, / общих убо и похвал да сподобятся.

Богородичен: Тя, общее лобочестие, Всенепорочная, нашего естества, вси славим, / уста едины бывше и едино согласие совершивше.

Другий канон святых. Творение тогожде, глас 8.

Ирмос: *Колесницегонителя фараоня погрузи / чудотвори иногда / Моисейский жезл, крестообразно поразив / и разделив море, / Израиля же беглеца, пешеходца спасе, / песнь Богу воспевающа.*

Не человѣческаго тѣанія исправлѣние сие начинаніе, / но Твоему престолу приседящая, Человеколюбче, Премудрость да споспешествует ми, / слова благодать дающи, / еюже прославити возмогу, ихже сама добре предпрослави.

Якоже чаша, преисполняется, Владыко, благодать Твоя, / и многое богатство человеколюбия Твоего излиется / и потечет, якоже и иные Ангелы в составе плоти показати, / ныне подлежащая в похвалу.

С Небесѣ Небесным подобаше быти и похвалам, / Ангельское пѣние, Божественным прилично: / бози бо причастием, иже естеством и Единого истиннаго Бога имуще в себе, / живуща и вещающа.

Богородичен: Память преподобных Богомудрое сословіе с похвалами совершает, / с нимиже и Божия Матерь, яко тех глава, / в лепоту прославляется, конечный, и первый, и средний чин содержащи / и благохваления причащающихся.

Катавасія: Сушу глубородительную землю:

Песнь 3

Ирмос: Утверди нас в Тебѣ, Господи, / Древом умерщвлей грех, / и страх Твой всади / в сердца нас, поющих Тя.

Молитвами Твоими, Чистая, / Бога, Егоже родила еси, подаждь благопремѣнна Твоим рабам, / притекающим к покрову Твоему / и верно поклоняющимся Твоему Рождеству.

Всю мою жизнь окорми, Дѣво, / упованіе мое и Предстательнице, / искушений и обстояний избавляющи лютых мя, Приснодѣво.

Премудрость Божию Ипостасную на объятиих яко понѣспи, Богородице, / от невѣдения и заблужденія избавитися поющим Тя моли.

Ин

Ирмос: На камени мя веры утвердив, / расширил еси уста моя на враги моя, / возвесели бо ся дух мой, ввсегда пѣти: / несть свят, якоже Бог наш, / и несть праведен, паче Тебѣ, Господи.

Труба великая Цѣркве, светильник, просвещаяй вселенную, / проповѣдник, вещаніем объѣмляй вся

концы, / великоименный Василь сподвизает собрание сие.

Свѣтел от житія и вещей, / свѣтел от словес и учений, / во всех пресиявая паче всех, якоже другое паче звезд солнце, / многопѣтый Богослов днесь блажится.

Се свет міра міру свѣтит, / се земли соль землю услаждает, / се древо жизни безсмертія плоды предлагает, Златоустый святый. / Иже умрети не хотящии, приидите, наслаждайтесь.

Богородичен: **Вся** от небытія в бытіе Сотворивый / и естество Давый коемуждо бывших, / Тойже и данная естества прелагати вестъ, якоже хощет. / Отонудуже и слышимо есть, яко и Дева рождши, / кто не удивится?

Ин

Ирмос: **Утверждей** в началѣ Небеса разумом / и землю на водах основавый, / на камени мя, Христе, заповедей Твоих утверди, / яко несть свят, паче Тебѣ, Едине Человеколюбче.

Иже нравов исправителие и душ строителие, спасителие общии всех, / иже и деяний нам и словес образы показавше, / наказателие жития свѣтлии, свѣтле да восхвалятсѣ.

Дух Божий исполни Василья художества; / огненных же имяше языков един Григорий / и огнем высокоречія дхне; / Христова же уста во Иоанне глаголаху.

Нынешняго века мудрость буйство проповеди яве упражняемую имать, / повинующуюся ему и рабски служащую; / проповѣдники бо благодать мудрыя предлагает риторы.

Богородичен: **Во** утробѣ Чистыя Девы Вселивыйся / души Богоносных святых жилище творит / и оных устами еже о Матери сказует таинство.

Катавасія: **Утверждение** на Тя надеющихся:

Седален, глас 8.

Подобен: Премудрости:

Великия свѣтильники светозарныя, / Церкви столпы неразоримыя согласно да восхвалим, / иже добрых наслаждающимися / и словес тех, купно и

благодати: / премудраго Златоглаволива и Великаго Васілія / с Григорием свѣтлым Богословом. / К нимже и возопиим, от сердца зовуще: / святителие тревеличайшии, молитесь Христу Богу / прегрешений оставление даровати празднующим любовию святую память вашу.

Слава:

Премудрость приемше от Бога, яко апостолинии трие Христова, / словом разума составляете догматы, / яже прежде словесы простыми низлагашу, рыбарие в разуме силою Духа, / подобаше бо тако простей нашей вере составление стяжати. / Отнюдуже вси вопием вам: / молитесь Христу Богу прегрешений оставление даровати / празднующим любовию святую память вашу.

И ныне, Богородичен:

Душу мою, Дево, смиренную, / бурю жития искушений ныне яко кроме управления бывшую, / потопляемую волнами, грехов бременем явльшуся преисполнену / и во дно адово приити бедствующу, / предвари, Богородице, молитв Твоих милостию, / тишину подаючи и бед изымаючи. / Пристанище бо Ты еси небурное, / молящися Сыну Твоему и Богу / прегрешений оставление даровати ми: / Ты бо имам надежду, недостойный раб Твой.

Песнь 4

Ирмос: Услышах, Господи, / слух Твоего смотрения / и прославих Тя, / Еди́не Человеколюбче.

Язв моих душевных, Владычице, и плотских недугов, / Бога рождающая, разрешение подаждь ми.

От обстояния избави мя, Мати Божия, / и бури, и бед Твоими молитвами, Еди́на Всепетая.

Обуреваемая волнами житейскими исхити, Дево, / ко Твоему пристанищу наставляющи мя.

Ин

Ирмос: Пришел еси от Девы, / не ходатай, ни Ангел, но Сам, Господи, воплощся, / и спасл еси всего мя, человека. / Тем зову Ти: слава силе Твоей, Господи.

Разумливы от нижних мудрости бывше, / правление, преславнии, от Божественных стяжасте, / темже, яко рабыню, сию оной всеумудре покористе.

Любомудрии, мудрыя аще любите, умудритесь / и глаголати научитесь вси, иже словесем чудящихся, / деяния опасству и видения отгуду обучающиеся.

Богородичен: Яко позднен дождь, напоследі бивый, утренний, / вод и веков Содетель, во чрево Твое укнув, Всенепорочная, / во время прохладаяй оскудевающая.

Ин

Ирмос: Ты моя крепость, Господи, / Ты моя и сила, / Ты мой Бог, Ты мое радование, / не оставль недра Отца / и нашу нищету посетив. / Тем с пророком Аввакумом зову Ти: / силе Твоей слава, Человеколюбче.

Столп огнен, людем верным предваряющий и опаляющий враги веры, / племена же спасаая, известно последующия, / Великий явился Василий, / да дерзает и побеждает Христова Церковь, / толиким обогатившись поборником.

Языка сладость и слуха всякаго услаждение, / твое слово бысть, Григорие, / мана жизни, роса сладкости, мед, иже из камене, / Ангельский хлеб Небесный, несытно насыщатися услаждения его увещая / и исполняяй сладости причащающихся.

Река дарований духовных наполнися даже и до разлития, / и доброе лице земли, яко сладостный поток, / от златых напаяет уст, веселящи и утучняючи Христов всякий град / Божественных волн струями.

Богородичен: Естество, просто стерпевшее сложению / и явльшееся вышше слития в Твоем, Владычице, Сыне, / трие Богоноснии учителя исповедаша, от двою волю и сугубаго действия, / сугуба по естеству проповедавшие.

Катавасия: Покрѣла естъ Небеса:

Песнь 5

Ирмос: Света Подателю / и веков Творче, Господи, / во свете Твоих повелений настави нас: / разве бо Тебе, иного бога не знаем.

Ору́жие непобеди́мое на различная искуше́ния вра́жия иму́ще, / вся́каго вражде́бных озлобле́ния избавля́емся при́сно, / и́же Тя, Богоро́дицу Чи́стую, ве́дущи.

Закона исполне́ние, я́же вѣшшая Херув́имов, / родила́ еси́ Бо́жия из Тебе́ воплоще́нна Сѣ́на Единоро́дна, / Егóже о рабѣх Твои́х умоли́.

Всяческих Творца́ на руку́ Твоею́ понеси́, / Сего́ нам Твоими́ моли́твами благопреме́нна дава́й, / ны́не от се́рдца к Тебе́ прибега́ющим.

Ин

Ирмо́с: *Просвеще́ние во тьме лежа́щих, / спасе́ние отча́янных, Христе́ Спа́се мой, / к Тебе́ у́треннюю, Царю́ ми́ра, просвети́ мя сия́нием Твои́м: / ино́го бо, ра́зве Тебе́, бо́га не знаю.*

Ты исто́чник Твои́х дарова́ний испи́ти весьма́, Человеколю́бче, дал еси́ святы́м, / ума́лен ника́коже истоща́нием, мир же весь упои́в / и́же от чрева́ их Божество́нными пото́ки.

Что́ ми зла́то? / Что́ ми бога́тство, и сла́ва, и могу́тство? / Дѣ́мове, расходя́щиеся по возду́ху: / вся да изчезнут, вся да преносит ветр. / Мне бога́тство еди́но многора́чительно — учи́телей трои́ца витийству́ющая.

Точит река́ нетле́нную пи́щу и Божество́нное пити́е, / то́чит а́лчушим безсме́ртное бра́шно и жа́ждущим нетле́нное пити́е, / вода́ жива́ во ве́ки и содержа́щая жи́вы пию́щая: / вси много́теку́щая жи́зни насы́титесь.

Богоро́дичен: *Имя́ше кре́пость на ны зло́ба, но не в коне́ц: / изнемо́же бо по Де́ве, в кре́пости Си́льнаго ро́ждшей, / подѣ́мшаго плотску́ю немо́щь и си́льнаго в зло́бе умертви́вша.*

Ин

Ирмо́с: *Вску́ю мя отрину́л еси́ / от лица́ Твоего́, Све́те Незаходи́мый, / и покры́ла мя естъ чужда́я тьма, ока́яннаго? / Но обрати́ мя и к све́ту запове́дей Твои́х / пути́ моя́ напра́ви, молю́ся.*

Иже Божество́нных вещей и челове́ческих му́дрых хитре́цы, / и́же су́щих естества́ любойсти́нне я́ве нам извести́вшия / и Зижди́теля тех всем

сказавшиа яко лепо, / благодарными гласы восхва-
лим.

Горькое и терпкое яже ко спасению лечеб/
уладша мудрыми словес учеными же, и хитро-
стми, и благодатьми, / душ Божественнии лечите-
лие: / наслаждайтесь, вси благочестивии, и, красу-
еми, спасайтесь.

Молчит всяко слово, Богопроповедником глаго-
лющим Божественная, / и удержавает над Ветхим
заветом Новый, / предлагающий честныя скрижа-
ли, яже в нем законополагающих, / к нимже
причитается все верных сословие.

Богородичен: Безсмертное естество смертное
претечет во святую, / и Дева Отроковица без-
плотныя Ангелы превзыде, / яко Бога рождающая,
Царя Ангельскаго, / на Негоже зрети онем невоз-
можно.

Катавасия: *Яко виде Исаия:*

Песнь 6

Ирмос: *В бездне греховней валяясь, / неизслед-
ную милосердия Твоего призываю бездну: / от тли,
Боже, мя возведи.*

Спасения пристанище ведый ты, плавающая много-
печального жития пучину, / призываю Тя, Влады-
чице, / Кормчая души моей буди.

Чистаго жития отпадох ленистыми, окаянный, /
но возведи, Благословенная Всечистая, / повеле-
нием Сына Твоего сочетавши.

Милости Твоей, Богородице, сподоби мя, / пре-
милостиваго Слова породившая, / Иже Своєю кро-
вию от тли человеки избавльшаго.

Ин

Ирмос: *Бездна мя многа греховная окружает, / и
вопию Ти, пророка подражая: / от тли мя,
Господи, возведи.*

Свойства в Троице три сбогословите: / нерождё-
ние Отца, Слова же рождение / и Духа исхождение
Самаго.

Днесь дому сему светоявленное спасение: / два
бо и три собранныя Христос, во Имя Своё
почествуяй, / посреде присутствует сих.

Неиспытанна земная глубина к Небесной высоте, / но от земли святых вознесё выше небес Небесное желание.

Богородичен: Нов Тя источник, Дево, / и вину тайн имуще, трие Богоглагольницы / новыми предложеньми новолепное приличествуют наречение.

Ин

Ирмос: Очисти мя, Спасе, многа бо беззакония моя, / и из глубины зол возведи, молюся: / к Тебе бо возопих, и услыши мя, / Боже спасения моего.

Троицу единственную богословити научихомся, / Единицу Троичную пети прияхом, / поклонятися навькохом от отцев Единому Естеству Триипостасному.

Слово бе в начале, ко Отцу Собезначальное, / и Дух Божий Бог бе Пребезначальный, / просто, единосущно, соестественно Божество, / яко Божественнии глаголют проповедницы.

Совокупляю, и разделяю, яже совокупленне разделяемая, / Единое Нераздельно помышляю и Три мню: / учителя приемлю три Богоносныя, тако увещевающия мя веровати.

Богородичен: Безматерний прежде плоти, / безотчий же по воплощении, / Сын Отчий и Матерний, яже сия нарицаая паче ума обоя: / Богу бо подобают чудес преславная.

Катавасия: Возопи к Тебе:

Кондак, глас 2.

Подобен: Твердыя:

Священныя и Боговещанныя проповедники, / верх учителей, Господи, / приял еси в наслаждение благих Твоих и упокоение: / труды бо оных и смерть приял еси паче всякаго всеплодия, / Единое, прославляяя святых Твоих.

Икос:

Кто доволен своя устне разверсти / и подвигнути язык к дышущим огнем силою Слова и Духа? / Обаче только рещи дерзну: / яко все преидоша человеческое естество сии трие многими и великими дарованьми, / деянием же и видением, по обоему светлы превозшедше. / Темже zelo великих даров

тѣя сподобил еси, / яко вѣрныя Твоя служители, /
Едине, прославляяй святѣя Твоя.

Песнь 7

Ирмос: *Образу златому, на поле Деире служиму, /
трие Твоя отроцы небрегоша безбожнаго велѣ-
ния, / посреде же огня ввержени, орошаеми, по-
яху: / благословен еси, Боже отец наших.*

На Кресте пригвождся, Иже из Тебе Воплотив-
шися, Богородительнице, / Адамово раздра руко-
писание. / Егоже ныне моли, Всенепорочная, / всех
бед избавитися верою зовущим: / благословен еси,
Боже отец наших.

Надежда благая, Заступница же верных еси,
Владычице, / и ныне молимся Тебе, даровати
сострадательства пучину всем, / на Тя уповающим
и Сыну Твоему зовущим: / благословен еси, Боже
отец наших.

Красною одеждою спасительных заповедей,
крещением одеаяся, / оскверних леностию, окаян-
ный, / ныне же Ти притекаю, Дево, / одеждою прося
веселия Тобою паки облещися.

Ин

Ирмос: *Богпротивное веление / беззакон-
нующаго мучителя высок пламень вознесло
есть, / Христос же простре Богочестивым отро-
ком росу духовную, / Сый благословен и препро-
славлен.*

Побеждается, блаженнии, и отбегает яже преж-
де непостоянная дерзость ересей: / воск же, раста-
яваемый от лица огня, / любодѣичное всякое
учение показуется, / вашим приражающееся огне-
дохновенным вещанием.

Лживых убо уклонишася еллинских буесловий, /
увещание же томительство, еже в человецех,
едино избраша, / под нимже истину сии трие
утвердивше, / сиче весь сонм верных побеждают
словесы и увещавают.

Богородичен: *В Тебе всяко проречение
воспочи / и конец прияше удивляющее глаголю-
щая: / из Тебе же светлее и проречений чудеса
точат, Чистая, / мудрая являющая сказатели.*

Ин

Ирмос: *Божия снизхождѣнія / огонь устыдѣся в Вавилоне иногда, / сего ради отроцы в пещи, радованною ногою, / яко во цветнице, ликующе, пояху: / благословен еси, Боже отец наших.*

Молчащии и зовущии, видими же и слышми, / добродѣтели и мудрости, Богоглаголивии, столпы бѣша, / делом и словом вопити повелевающе: / благословен Бог отец наших.

Божия гласы, свѣше возгремѣвшаи нам пречудно, / молнии же лучи, иже ваши вещания приѣмлюще, всемудрии, / купно убо поем с вами: / благословен Бог отец наших.

Испущени будут гради от каменопращных языков, / сокрушающии гнилая учений, / аще кто посреде дерзнет суесловников, правая не вещая: / благословен Бог отец наших.

Богородичен: *В Тя, Дѣво, вселіся и по рождествѣ Дѣву остави / Иже устраяяи стихии и претворяяи естества, / якоже хощет, Богородительнице Маріе. / К Немуже вопиѣм с Тобю, Всенепорочная: / благословен Бог отец наших.*

Катавасія: *Тебѣ во огни:*

Песнь 8

Ирмос: *В пещь огненную ко отроком еврейским снизшедшаго / и пламень в росу преложшаго Бога / пойте, делая, яко Господа, / и превозносите во вся веки.*

Столп крепости тверд, и степенъ, и Хранительницу, и Предстательницу / стяжавше Тя верою, спасаемся ныне. / Поем Рождество Твое, Пречистая, и превозносим во вся веки.

Безсмертія прозранный вѣмы Тя источник, Богородице, / яко рождшую Слово безсмертнаго Отца, / Еже вся от смерти избавляющее, превозносящия Его во веки.

Струю исцелений нам всегда, верным, точиши, / ейже независтную благодать вземлюще, ныне воспеваем Рождество Твое, Пречистая, / и превозносим во вся веки.

Ин, ирмос тойже.

Разумеваем благочестно и прославляем единочестно Едино Естество, / безмерномогущую Единицу же и Троицу, / вся сия словесы правящую лучшими. / Тако бо славити трие Богоноснии предаша, / с нимиже поклоняемся Ей во веки.

Соединяшася трие Богопроповедницы, соединивши Троицу / и Нераздельное во всех соблюдши, Божественным еством: / едину от Той восприяша нераздельную славу, / в похваление едино созывающую превозносящая Ю во веки.

Богородичен: Прием, еже по нам, воздав же Своё Благодетель, / содея токмо, не пострада же, Дево: / творит бо, но не в тление устрает, / паче же и стражда волею, страстию страсти решит, / якоже трие отцы нас тайноучат.

Ин

Ирмос: Седмерицею пещь / халдейский мучитель / Богочестивым неистовно разжже, / силою же лучшею спасены, сия виде, / Творцу и Избавителю вопияше: / отроцы, благословите, / священницы, воспойте, / людие, превозносите во вся веки.

Яже Бог соединит в единочестном единении, / похвалитель да не разлучает человек, / но равны нещуща в техже дарованиях, / равных и пеней песнопой да сподобит: / отроцы, благословите, священницы, воспойте, / людие, превозносите во вся веки.

Сильнии и непоборимии Божества споборницы / и истины неживии споспешницы, / глубины Духа добре испытавшие, / Боголепная о Бозе разумения отгуду составляют и учат пети: / людие, превозносите Христа во вся веки.

С Небесе убо величайшая два светила просвещают / по преемству друг друга подсолнечную; / от земли же светлее всю вселенную озаряют три по томужде превеликая светила, / светяще с друг другом и поюще купно: / людие, превозносите Христа во веки.

Богородичен: Нас ради воплощение и страсти

честныя, / нас ради Бог с мёртвыми бысть, / смёрти
 ўбо невкусен, яко страстэй свободен, / к плóти же
 смёртней общением глаголемый, / и страсти при-
 частіся, и смёрти, / с неюже превозносим Христа
 во вéки.

Катавасія: Нестерпíмому огню:

**На 9-й пёсни Честнѣйшую: не поём, но поём
 припѣв:**

**Величай, душе моя, / Честнѣйшую Небесных
 воинств, / Дѣву Пречыстую Богородицу.**

**Таже ирмос. Посём тойже припѣв поём и к
 прочим Богородичным тропарём.**

Песнь 9

**Ирмос: От Бóга Бóга Слóва, / неизреченноу
 мудростию пришѣдшаго обновíti Адама, ядию в
 тлѣние пáдшаго люте, / от Святѣя Дѣвы неизречен-
 но воплотившагося нас ради, / вѣрнии, единомуд-
 ренно пѣсньми величаем.**

**Богоблаженная Отроковице, надежду мою всю
 усердно возлагаю на Тя: / спаси мя, Мати истин-
 нья Жízни, / и слáдости присносущныя насытити-
 ся моли, Чыстая, / верою и любовью Тя пѣсньми
 величающа.**

**Явльшися, Дѣво, дверь Божественнаго Свѣта, /
 души моея мрак Свѣта Твоего невещественными
 блистáнии озари / и вѣчнаго огня избáвитися мне
 умоли, Чыстая, / верою и любовью Тя пѣсньми
 величающему.**

**Во чрево Твое вселися, / Егóже из чрева прѣжде
 веков Отец роди Сына, / совершен бысть Человѣк, /
 и источник дарований Тя, Богомати, / показá нам, /
 вѣрно поклоняющимся несказáнному Твоему Рож-
 деству.**

Ин

**Ирмос: Безначáльна Родителя Сын, Бог и Гос-
 пóдь, / воплощся от Дѣвы, нам явйся, / омраченна
 просветити, собрати расточенна. / Тем Всепѣтую
 Богородицу величаем.**

**К канóном же святых на кийждо тропарь поём
 припѣвы сий:**

**Величай, душе моя, / во иерарсех светила три
 великая.**

Се ва́ше дѣлание и па́ства, / за ю́же велича́йшия
болѣзни претерпѣсте, во еди́но сошѣдшеся, / кúпно
же три вы сопроти́емше, / о́бщую има́ть похвалу́
ва́ше сладча́йшее соединѣние.

**Велича́й, ду́ше моя́, / трисия́тельныя Христо́вы
Цѣркве.**

**Не обоюдоо́стрый меч благода́ть, / но трео́стрый
на ратников тоя́ предлага́ет: / еди́н небоковáнен
меч, тремѣ крепостѣмѣ изошрѣн, / прѣсно побóр-
ствуяй по Трисия́нном Еди́ном Божествѣ.**

**Велича́й, ду́ше моя́, / просвещáющия Христо́ву
Цѣрковь.**

**Ва́ше житѣльство на Небесѣх бѣше, преслáв-
нии, / и плоть нося́щих во вѣки несквѣрну, / в
ни́хже всесовершѣнне ны́не живу́ще, / сущим на
земли́ нам пребывáющим / Вѣшняя моли́те и мѣс-
лито, и дѣяти.**

**Велича́й, ду́ше моя́, / Честнѣйшую Небѣсных
войнств, / Дѣву Пречѣистую Богородицу.**

**Богородичен: Тесни́т мя широтá Твои́х вели́чий,
Владычице, / подавля́ющи сло́во от частости, / и
преслáвно ми случáется э́же недоумевáтися от
благомóщества, / тѣмже толи́ко Тя Возвели́чивша-
го сла́вим.**

Ин

**Ирмо́с: Ужасѣся о сем Не́бо, / и земли́ удивѣшася
концы́, / я́ко Бог яви́ся челове́ком плóтски / и
чре́во Твое́ бысть пространнейшее Небѣс. / Тем Тя,
Богородицу, / Ангелов и челове́к чиноначáлия
велича́ют.**

**Велича́й, ду́ше моя́, / Пресвяты́я Трои́цы три
па́стыри.**

**Возвы́сися Трои́чная добродѣтель и вся́ческая
сла́вы испóлни, / иную́ лучу́ нам возсия́вши три-
свѣтлу, я́ко свое́ осия́ние, Небѣсныя тайноводѣте-
ли, / йми́же на Божѣственное о́ныя видѣние, благо-
чѣству́юще, наставля́емся.**

**Велича́й, ду́ше моя́, / от Трисóлнечнаго Светѣла
три вели́кая.**

**Не есть вто́рство в триѣх сих, / старѣйшинства
бо кѣйждо их но́сит, / пѣрвый не сый, и единоче-
стны́я превы́шшая: / присво́яют же па́че друг**

друга победу прерадостно, / не вмещается бо zde зависти дерзость, растлевающая единомыслие.

Величай, душе моя, / Триипостаснаго и Нераздельнаго Божества державу.

Отцев благочестие, свой первородныя сыны показавшее, / чада возраждает свету присная / и непорочная теми, совершаемая Духом, / жизнь глаголавшим в них, / и цел соблюдати испрошает до конца мир, / егоже от них наследствова.

Величай, душе моя, / Честнейшую Небесных воинств, / Деву Пречистую Богородицу.

Сына Бога живаго мудрых учителей верх проповеда, / Твоего Сына, от откровения Отца, / не от плоти и крове сие тайноуведав, Мати Божия. / Темже Ты и Деву прославив, / Матерь и Богородицу возвеличи.

Катавасия: В законе сени и писаний:

Светилен.

Подобен: Свете неизменный:

Три светозарныя светильники, паче солнечных луч / от Светоначальных Троицы и Трисолнечных Единицы, / преестественно смешены, / Богоносныя восхвалим отцы.

Слава:

Подобен: Небо звездами:

Света приятелица, светолучныя молнии, / Василия ныне Великаго, Григория Богослова, Златоустаго Иоанна, / да восхвалим вси.

И ныне:

Единственное Божество, Отче, Сыне и Душе, / мольбами Василия, Григория и Иоанна и Пречистой Богородицы / да не отлучуся Твоей славы.

На хвалитех стихиры, глас 5. Нила Ксанфопула.

Подобен: Радуйся:

Радуйся, святителей троица, / Церкви великая забрала, / столпы благочестия, верных утверждение, / еретичествоующих низпадение, / Христовы упасшии люди Божественными учением / и различными добродетельми воспитавшии, / благодати ясни проповедницы, / законы произложившии Христову исполнению, / вожди к Вьшним, рай-

стии входы, / Христа умолите / низпослати душам нашим велию милость.

Радуйся, святителей троица, / небошественнии земнии Ангели, / мира спасение, человеков радость / и вселенныя учителя, / Слова поборницы, / врачеве премудрии недугов душевных и телесных, / приснотекущая реки духовныя, / словесы напаяющии земное все лице, / Богословнии степени, златослови Божественнии, / Христа умолите / низпослати душам нашим велию милость.

Радуйся, святителей троица, / земныя тверди солнца, / лучи и светила от Трисолнечнаго озарения, / помраченных прозрение, / цветы благовоннии рая краснейшии, / Богослове, мудрый же Василий, Златоусте, / дщцы Духа, скрижали Божначертанныя, / сосцы, источающии спасения млеко, / мудрости украшение, / Христа умолите / душам нашим даровати велию милость.

Слава, глас 5:

Вострубим трубою песней, / да ликовствуем празднственная и зыграем, радуящися, / в пречестное торжество учителей наших. / Святителие и людие да стекутся и восплещут в песнях, / яко учений источившия реки превеликия три, / доброточныя присноживотныя Духа / пастырие и учителя, / Пречестныя Троицы трегубыя священнотаинники, / сошедшеся, да восхвалим. / Философи — мудрыя, иереи — пастыри, / грешницы — предстатели, нищии — обогатители, / сущии в скорбех — утешители, / путницы — спутешественники, / иже в мори — кормчи и вси, иже вездé тепле предваряющия, / Божественныя архиерархи похваляюще, тако рцем: / пресвятии учителя, / потщитесь изъяти верныя от житейских соблазнов / и избавити вечных мук молитвами вашими.

И ныне, Богородичен. Германа Патриарха:

Вострубим трубою песней, / преклоншися бо свѣше, Всецарица Мати Дева / благословенными венчавает воспевающия Ю. / Вернии людие да стекутся / и Царицу да восплещут в песнях, / Царя

рождшую, / смёртию одержимыя пёрвее разрешити человеколóбно благоизволившаго. / Пáстырие и учителие, / дóбраго Пáстыря Пречíстую Мáтерь, сошédшеся, да восхвáлим, / свéцник златозáрный, светонóсный óблaк, / Небéс прострáннейшу, / одушевлéнный же кивóт, огнезрáчный Владýчень престóл, / манноприёмную златúю стáмну, / заключённую Слóва дверь, / всех христиáн прибéжище, / пёсньми Богоглаголивými похваляюще, сiце рцем: / палáто Слóва, / сподóби смиренных нас Небéснаго Цáрствiя, / ничтóже бо невозмóжно ходáтайству Твоему.

Славослóвие великое и отпу́ст.

НА ЛИТУРГИИ

Блажéнны от канóна 1-го песнь 3-я и от канóна другáго песнь 6-я. Прокíмен, глас 8: Во всю зéмлю изыде вещáние их / и в концý вселéнныя глаголы их. Стих: Небесá повéдают слáву Бóжию: Апóстол ко Еврéем, зачáло 334. Аллилу́ия, глас 4: Исповéдят Небесá чудесá Твоя, Гóсподи: Евангелие от Матфéя, зачáло 11: Вы естé свет мiра: Причáстен: Рáдуйтеся, праведнии:

М Подобáет вéдати, áще случiтся триех святiтелей, Васiлия Великаго, Григорiя Богослóва и Иоáнна Златоустаго, в недéлю мытарéву, или блúднаго, или мясопúстную: На малой вечерни стихiры воскресны 4. Слáва, святiтелей. И нýне, Богорóдичен глása, малыя вечерни. На стихóвне стихiра воскресна едина и святiтелей стихóвна великия вечерни со стихi свои. Слáва, святiтелей. И нýне, Богорóдичен в тóйже глас. По Нýне отпущаеши: и по Отче наш: тропáрь воскресен. Слáва, святых. И нýне, Богорóдичен. Ектенiя малая и отпу́ст.

ЗРИ На велицей вечерни: По кафiзме, на Гóсподи, воззвах: стихiры воскресны 3, и Триóди 3, и святых 4. Áще ли недéля мясопúстная: Стихiры воскресны 3, и Триóди 4, и святых 3. Слáва, Триóди. И нýне, Богорóдичен 1-й, глása. На литiи стихiра хрáма, тáже Триóди хвалiтныя. Слáва, святых. И нýне, Триóди. На стихóвне стихiры воскресны. Слáва, святых. И нýне, Триóди. На благословéнии хлéбов тропáрь, Богорóдице Дéво: двáжды, и святых, единожды, и чтéние.

На úтрени: На Бог Госпóдь: тропáрь воскресен двáжды. Слáва, святых. И нýне, Богорóдичен 1-й, в тóйже глас. По кафiзмах седáльны воскресны, с Богорóдичны их, и чтéние во Евангелии толковом, и полиелéй святых.

ЗРИ Áще ли недéля блúднаго или мясопúстная: Прилагаем и трéтий псалом: На реках Вавилонских: Тáже седáльны

святых оба, по единойжды, без Богородичнов. Слава, седален полиелейный. И ныне, Богородичен и чтение святых. Степенна и прокимен гласа. Всякое дыхание: Евангелие воскресно. Воскресение Христова: и прочая. Канон воскресен со ирмосом на 4, и Богородицы на два, и Триоды на 4, и святых на 4. Катавасия: Сую глубородительную землю:

Аще ли неделя мясопустная: Канон воскресен на 4, и Триоды на 6, и святых на 4. Катавасия Триоды. По 3-й песни кондак святых, и йкос, и седален их. И ныне, Триоды и чтение. По 6-й песни кондак Триоды, и йкос, и чтен пролог. На 9-й песни поем Честнейшую: Светилен воскресен. Слава, святых. И ныне, Триоды. На хвалитех стихиры воскресны 4 и святых со Славным 4, с припевами их.

Аще ли неделя мясопустная: Тогда по стихирах святителей глаголем стих: Воскресни, Господи Боже мой: и поем стихире самогласну Триоды. Слава, туюжде. И ныне, Препоблагословенна еси:

Аще ли несть неделя мясопустная: Тогда в Триоды стиха не глаголем. Но по стихирах святых, Слава, Триоды. И ныне, Препоблагословенна еси, Богородице: Славословие великое. По трисвятом тропарь воскресен точно, и ектений, и отпуст. И исходжение обычное в притвор. Слава, и ныне, стихира Евангельская, и час 1-й. На часех тропарь воскресен. Слава, святых. И ныне, Богородичен часов. По Отче наш: кондаки, воскресен, Триоды и святых, пременяюще, глаголем.

На Литургии: Блаженны гласа на 4, и Триоды песнь 3-я на 4, и святых 6-я на 4. По входе тропарь воскресен и святых. Таже, кондак воскресен. Слава, святых. И ныне, Триоды. Прокимен, Апостол, аллилуия, Евангелие и причастен дне и святых.

Аще ли случится трех святителей в субботу мясопустную и поем службу их в пятък, прежде, во всем непременно.

Аще ли случится трех святителей в понедельник, или в вторник, или в четверток сырныя недели:

В неделю вечера поем Блажен муж: 1-й антифон (в прочия же дни сырныя седмицы глаголем кафизму рядовую). На Господи, возвах: стихиры святых на 6, Слава, святых. И ныне, Богородичен 1-й по гласу самогласна святых. Вход, прокимен дне, и чтение святых, и ектений. На стиховне Триоды самогласен дне, дважды, и мученичен, припевы же глаголем обычные: К Тебе возведох: Слава, святых. И ныне, Богородичен воскресен. По Нине отпущаеши: и по трисвятом, тропарь святых. Слава, и ныне, Богородичен и отпуст. На повечерии по Достойно: и по трисвятом, кондак святых.

Аще же память сих трех святителей случится в четверток сырныя недели, тогда в среду на часех по



Ослаби, остави: и по поклонех бываёт звон во вся, по обычаю. И абие глаголем: Приидите, поклонимся: трижды, и псалом обычный, и ектенія, и стихиры, по предписанному. По входе прокімен паремий дне и паремий Триоди, и по ней прокімен: Да уповаёт Израиль на Господа: Таже паремий святых. Потом Сподоби, Господи: На стиховне Триоди самогласен дне, дважды, и мученичен. Слава, святых: И ныне, Богородичен. По Ныне отпущаеши: по Отче наш: тропарь святых, и ектенія, и три великия поклоны. Таже, Всесвятая Троице: и Буди Имя Господне: трижды, и псалом 33. Достойно есть: И отпуст. И входим в трапезу, и разрешаем на сыр и яица.

На утрени: На Бог Господь: тропарь святых, дважды. Слава, и ныне, Богородичен. По 1-й кафизме седален Триоди, дважды, писан по 2-й кафизме. Слава, и ныне, Богородичен его и чтение дне. По 2-й кафизме седальны святых оба, по единожды. Слава, и ныне, Богородичен втораго седальна. Перваго же седальна Богородичен оставляется, и чтение дне. Таже полиелей святых: и седальны их, и Богородичен, и чтение. Посем степенна, 1-й антифон, 4-го гласа. Прокімен, Евангелие и стихира святых. Канон Богородице со ирмосом на 6, ирмосы, по дважды, и святых два канона на 8. Катавасия: Сущу глубородительную землю: оба лика вкупе. А идеже трипесно, поем каноны святых со ирмосом на 6 и трипесно на 8. Катавасия Триоди. По 3-й песни седальны святых, и Богородичен их, и чтение святых. По 6-й песни кондак и икос святых, и чем пролог. По 9-й песни светлен святых, дважды: Слава, и ныне, Богородичен. На хвалитех стихиры святых на 4, и Слава, и ныне. Таже псаломщик глаголет: Слава Тебе, показавшему нам свет. И Слава в Вышних Богу: Посем ектенія: Исполним утреннюю молитву нашу: И поем на стиховне Триоди самогласен дне, дважды, и мученичен. Припевы же глаголем обычные: Исполнимомся заутра милости Твоея, Господи: Слава, святых, глас 6: Святители Христовы: И ныне, Богородичен: Девственную доброту: писаны на литий. Таже, Благо есть: и Трисвятое. По Отче наш: тропарь святых. Слава, и ныне, Богородичен воскресен. Посем ектенія: Помилуй нас, Боже: и возглас. Таже перей глаголет: Сый благословен: клирицы же: аминь. Утверди, Боже: и час 1-й.


На часех тропарь и кондак святых.

На Литургии: Блаженны от канонов, 1-го песнь 3-я со ирмосом на 4, и другаго песнь 6-я, на 4. По входе тропаря храма Христова, или Богородицы, и святых. Таже кондак храма Христова. Слава, святых. И ныне, храма Богородицы, или Предстательство христиан: Прокімен, Апостол, аллилуия, Евангелие и причастен дне и святых.

Аще ли случится трёх святителей в среду или в пятък сырныя недели: Поём службу всю, вечер и утро, во вторник или в четверток тойже сырныя седмицы.

Молѣтва

О пресвѣтлии светѣльницы Цѣркве Христовы, Васѣлие, Григѣрие и Иоанне, свѣтом православных догматов вся концы земли озарившии и мечѣм слова Божия хульных смущения и шатания ересей угасившия! Припадающе к вашему милосердию, с верою и любовью из глубины души вопиѣм: предстояще престолу Пресвятыя, Единосущныя, Животворящия и Нераздельныя Троицы, за Нюже словом, писанием и житиѣм добре подвижастеся и души свой полагасте, всегда молитесь Ей, да укрепит и ны в православии и единомыслии, и непоколебимем даже до смерти исповѣдании веры Христовы, и во вседушѣвнем послушании Егѣ Цѣркви Святѣй; да препояшет ны с высоты силою на вся невидимыя и видимыя враги наша; да соблюдет Цѣрковь Свою незыблему от неверия, суевѣрия, ересей и раскола; да дарует народу нашему долгоденствие и во всем благое поспешение; пастырем нашим да подаст духовное трезвение и ревность о спасении пасомых, властѣм суд и правду, воином терпение, мужество и одоление на враги, сирым и вдовицам заступление, болящим исцеление, юным благое в вере возрастание, старцам утешение, обидимым заступление и всем вся, ко временней и вѣчней жизни потребная, яко да в мире и покаянии, желанием спасения горяще, Господеви работающе, добрым подвигом подвижашеся, течение наше скончаем и сподобимся в Небеснем Царствии купно с вами всегда пѣти и славити пресвятѣе и великолѣпое Имя Отца и Сына и Святаго Духа во веки веков. Аминь.



Собор святых Вселенских учителей и святителей Василия Великого, Григория Богослова и Иоанна Златоустого. В Константинополе долго происходили споры о том, кому из трех святителей следует отдавать предпочтение. Одна часть людей превозносила святителя Василия (†1 января 379), другая стояла за святителя Григория Богослова (†25 января 389), третья почитала святителя Иоанна Златоуста (†14 сентября 407).

Из-за этого среди христиан произошли церковные раздоры: одни называли себя василианами, другие — григорианами, третьи — иоаннитами.

По воле Божией, в 1084 году митрополиту Евхаитскому Иоанну явились три святителя и, объяснив, что они равны пред Богом, повелили прекратить споры и установить общий день празднования их памяти: «Объяви, чтобы христиане оставили спор. Мы как во время жизни старались о единодушии, так и по преставлении своем всего более желаем единомыслия...» Сведения о святителе Василии Великом смотри 1 января, о святителе Григории Богослове 25 января, о святителе Иоанне Златоустом 27 января.

Священномученик Ипполит, мученики Кенсорин, Савин, мученица Хрисия-дева и прочие 20 мучеников

пострадали за веру Христову в 269 году в Риме при императоре Клавдии П. Первым из них был взят по доносу об исповедании христианства советник в Римском сенате Кенсорин. В суде он не стал отрекаться от веры в Христа, которую ранее исповедовал тайно, и его бросили в темницу. Там, по молитве святого Кенсорина, Господь вернул жизнь одному умиравшему узнику. Двадцать стражников, свидетелей этого чуда, потрясенные до глубины души, уверовали и исповедали Христа Спасителя. Они были обезглавлены вместе с мучеником Кенсоринном.

Страшные муки приняла за веру молодая христианка Хрисия, которую пытали по тайному доносу. Палачи подвесили девушку, били ее воловьими жилами и опалили ребра пламенем свеч. Наконец, измученную, бросили ее в темницу. Спустя несколько дней святую Хрисию вывели оттуда, разбили камнем челюсти и тяжелым молотком раздробили плечевой пояс, после чего утопили в море, с привязанным к шее тяжелым грузом.

Блаженный Савин также подвергся избиению молотом; затем его повесили на дереве, подпаливая изуродованное тело пламенем свеч. Святой Савин преставился ко Господу во время пыток, сохранив твердое исповедание веры Христовой.

Узнав об этих преступлениях, святитель Ипполит, епископ Остии, Римской пристани при устье Тибра, пришел к наместнику Клавдия Ульпию Римлянину и, называя его кровопийцем, обличил в жестокости и бесчеловечности. Святитель Ипполит мужественно заступился за пострадавших христиан, открыто исповедуя свою веру в Господа Иисуса Христа. По распоряжению наместника, слуги схватили святого Ипполита, били его

по глазам и, подвергнув другим издевательствам и мукам, бросили связанного в море. Так священномученик Ипполит разделил участь тех, кого он хотел спасти, не пожалев своей жизни. Святой Ипполит, ученик святого Ириней, епископа Лионского, был выдающимся христианским богословом, автором многих полемических сочинений против различных ересей — ноэтианской, феоотианской, монтанистской, маркионитской и других. Из его сочинений известны также Канон пасхальный,

знаменитое сочинение о Христе и Слово об антихристе. Полностью дошли до нас также две его проповеди, замечательные образцы искусства гомилики: Слово на Богоявление и Слово о пророке Данииле. Многочисленные толкования священномученика Ипполита на Священное Писание сохранились во фрагментах.

Мощи священномученика Ипполита находятся ныне в Риме, в церкви во имя священномученика Лаврентия и святителя Дамаса, Папы Римского.



В
ТОЙЖЕ
ДЕНЬ

**Преподобнаго Зи́но́на По́стника,
в Да́льных пеще́рах почи́вающаго**

Тропа́рь, глас 4:

**Преподо́бне о́тче Зи́но́не, / преподо́бне и че́стне
жита́и́е твоё на земл́и препрово́дывый / и тем
Бо́гови по премно́гу благоуго́дивый, / моли́ о нас, /
чтúщих па́мять твою́.**

Конда́к, глас 8:

**Восхваля́ясь днесь, преподо́бне Зи́но́не, / я́ко
преподо́бен во сла́ве, / и ра́дуясь дави́дски на
ло́жи своём во Ца́рствии Небе́сном, / не премолчи́ о
нас мо́льбу́ принести́ ко Го́споду.**

Преподобный Зинон, постник и трудолюбец, подвизался в Дальних пещерах Киево-Печерского монастыря в XIV веке. В 3-й песни Канона преподобным в Дальних пещерах он прославляется как «сияющий постом». Память его празднуется также 28 августа и во 2-ю Неделю Великого поста. В «Сказании о житиях святых, в пещере преподобного Феодосия почивающих», говорится: «Преподоб-

ный Зинон, постник и трудолюбец, многими добродетельными иноческаго жития подвиги, постом, молитвами, смирением, послушанием благоугоди Богу». Афанасий Кальнофойский писал о преподобном Зиноне: «Почил после трудов своих благословенный инок Зинон; в теле целом лежит». Мощи святого Зинона открыто почивают в Дальних (Феодосиевых) пещерах.

